

## آبونه شرائطی

ممالک عثمانیہ دہ سنہ لکی (۶۵) آلتی ،  
یاغی (۲۵) غروشدر  
ممالک اجنبیہ دہ سنہ لکی (۱۷) ، آلتی  
آیغی (۹) فراتقدر .

## ادارہ خانہ

باب عالی جادہ سنده دائرہ مخصوصہ

## اخطارات

آبونه بدلی پشیندر .

§

مسلكه موافق آثار مع المنونیه قبول  
اولنور . درج ابدلہ یں یازیلر اعاده  
اولونماز .

# الکلیت

۱۳۳۰

دینی ، فلسفی ، علمی ، ادبی ہفتہ لقی مجموعہ اسلامیہ در .

صاحب و مدیر مسئول

اشرف ادیب

باش محرر

محمد عاکف

واللہ یهدی من یشاء الی صراط مستقیم

اتبعون اهدکم سبیل الرشاد

یکیکمدی : اوروپاده ظهور ایدن قومیت جریانلری بوتون ملتلی بربرینه دوشوردی. عینی دینه منسوب اولان برچوق اقوام بربرینک دشمن جانی اولدی . ملیونلرجه انسان یکدیگریکن قانی ایچدی ؛ حالاده ایچمکده دوام ایدیور ؛ کیم بیلیر دها نه قدرده ایچه جک !... دیگر طرفدن خلیفه اسلام حضرتلری ده جهاد اعلان ایدی ، مسلمانلق عالمی اسلام بیرانغی آلتنه دعوت ایتدی . تورک . کرد ، عرب ، عجم ، لاز ، جرکس ... بوتون اقوام اسلامیه بروجودکی اولهرق اجابت ایتدیله ، حدودلره یاییهرق جانلری فدایه باشلا دیلر . بوتون خلیفه نیک بیرانغی آلتنه جمع ایتدیرن نه ایدی ؛ عجباً « کوشه مش ظن اولونان » دین حسندن باشقه بر شی میدی ؛ ایشته اوتنده قومیت جریانلریله یکدیگریکن آریلان ملتلیک عاقبتی ؛ ایشته بریده - اسلامیک آرم لرنده کی قومیت داعیه لری قالدیروب جمله سی هم فکراً وحساً ، هم ده فعلاً برلشدیردیکی ، بر واحد کل تشکیل ایتدیکی - اقوام اسلامیه نیک وحدت واتحادی ! ...

شیمدی حق و حقیقتک بوندن بویوک ، بوندن پارلاق بر تجلیسی اولورمی ؛ آرتیق ملت اسلامیه نیک اتحاد و تعالیسی ایچون رابطه دینه دن باشقه هیچ بر رابطه نیک ایسه یارامایه جتی بوتون ارباب انصاف و بصیرت نظر نده تحقق ایتشدر . بوکون کرک حکومتتمزله ، کرک مطبوعاتمزک اساس اساس سیاسی وحدت اسلامیه در . باخصوص تصفیر افکار و ترجمان حقیقت رفیقلمزک بوبایدکی نشریاتی متوالیدر . ترجمان حقیقتک ۱۲۱۵۸ نومرولو نسخه سنده آغا اوغلی احمد بک افندی دیورلرکه :

« بوندن دها برسنه اول اسلامیتدن ، وحدت اسلامیه دن ، خلافتدن ودول اسلامیه دن بحث ایدرکن انسان تادنا اطرافنه باقینیور ، ایچنده کی فکرلی ، حسلری سویلکدن چکنیوردهی .

... حرب حاضرک بزه تأمین ایتدیکی وایده جکی دها برچوق فائده لر آراسنده بری ده باشمک اوزرندن شوکابوسی آتارق عقلمن ، قلبن ودالریمن ایچون سربست بر ساحه حاضرلامقدر . بوخصوصه طائد هرلردن بری محروم اولدیغمن بر نعمته واصل اولدق ، یعنی ایسته دیگمز کی عالم اسلام حقنده فکرلریغزی ، حسلریغزی میدانه قویاییلیر .

بوکون مصر حدودنده قانلری ایشار ایدن اسلام مجاهدلری ، عرب اولسون ، تورک اولسون ، کورد اولسون ، جرکس اولسون ، بر واحد کل تشکیل ایدرک هپ این فکر ، عین حس ایله مشحوندلر ، خلیفه دیشاتمزک ممنوی اولادی اولان وحیل المتین اخوتله کافه مزه مربوطبولنان ، صریلری ، دشمن استیلاسندن ، دشمن تسلطندن قورتارمق ؛ ایشته یگانه و خدا پسند مقصد ؛ عین فر ، عین حس حدودیمزک دیگر جهتلرنده ، یعنی ایران و قفقاسیه طرفلرنده ده ما کم دره شو مقدس و عالی مجاهده یه هیچ بر خصوصی فکر قاریشدریله ماز ، کیمسه صرف کندینه خاص اولارق بر خصه افتخار و مباحات چیقارامز . بو بر اسلام غوغا سیدره و کافه مزه عین مجاهده یه اشتراک ایتکلک عین درجه ده بختیار و مسعوددر .

بوندن صوکرده عجباً « غنی » « سفی » اوزرینه می غوغا ایده جکز ؛ بن ویاسن کیم اولورسه اولسون ، یالکز ال ویررکه مشترک و مقدس امل ایچون مجاهده ایدرکن ال اله و قلب قلبه ویررکه اومعنوی وحدتمزی جهان اراهه ایدم ؛ « سینه ترجمان حقیقتک ۱۲۱۵۹ نومرولو نسخه سنده مشارالیه طریقتمزک وحدت اسلامیه اساسنه اولان خدمتلرندن بحث ایدرکن دیوررکه :

« ... اسلامیت بوکیم نه قدر تمداد اولنه مزه ، توکنن ، قوتلری حاتردر ؛ فقط مع التأسف بر چوق زمانلردن بری بز شو قوتلردن استفاده ایله مک فکر واستمدادینی غائب ایتشدک . دها طوغریسی المزده بولنان قوتلری بیله بیلیمیه رک ، طایمیهرق گوشه نسیانه آتمشدق !... »

« ... اسلامیت قولاً دکل ، فعلاً ده ، ادعا ایله دکل ، فکر وحس ایله ده حقیقه » بر واحد کل تشکیل ایدیور ... »

تصفیر افکار رفیقتمزک مصر مخبر مخصوصی احمد راسم بک ده قدسندن کونده روبر ۱۳۵۳ نومرولو نسخه دمندرج بر مکتوبسنده دیورلرکه :

« بکا اویله کلیورکه ( سوریه ) قریباً - ای اسلام حرب ، اویان ، اتحاد اسلامی فایه بیل ؛ دیه جکدر . چونکه ( سوریه ) کندی کتله سنک خارچنده دیگر اسلام کتله لریک موجود اولدیغنی بیلور . بیلیمیه جک اولور ایسه کندی سنک ده دیگر اسلام کتله لریک کیرمش اولدق لری تهلک لره کیره جکنی تقدیر ایدیور . »

دیگر طرفدن ، بز بتون عربستانه حرب اولدیغنی آنجق وحدت اسلامیه حسنی ویرمکله آکلانغه موفق اولورز که بوکون نچه لشدیگمز اوج هدوی بارن دیده نک بللریغنی قیرمجنی آنجق بو ضربه مهمه در . اتحاد اسلام ، بر کره ملک عثمانی ایچنده شایع اولسون ، آنک شمشه اقبالی دیگر اقطار اسلامه ایصال ایده جک وسائط مبارکه نک آردی آره سی کسیندزه .

ذاتاً هر مسلمانک قلبنده ، مسلمان اولمق اعتباریله ، وحدت و اخوت اسلامیه حسنی موجوددر . « واعتصموا بحبل الله جميعاً ولا تفرقوا » « انما المؤمنون اخوة » کبی آیات سبحانییه اعتقاد ایدن بر مسلمانک ، بر اسلام قومنک باشقه درلو دوشونمسی ، باشقه غایه لر تعقیب ایتسی ممکن میدر ؟ ایدنلر بولنورسه سببی ایمانلریک ضعفندن باشقه برشی دکلددر . بوکون کرک اشخاص ، کرک اقوام اسلامیه ایچون بر امتحان کونی در . هر شخص ایمانی نسبتنده وحدت و تعالی اسلامیه یه چالیشیر ، هر قوم اسلام ایمانی نسبتنده جهاده اشتراک ایدر . الله جمله مزک ، بوتون اقوام اسلامیه نیک ایمانلری آرتیرسون .

### وَتَأْتِيَنَا الْبُحْيَةُ

#### بیاننامه هایون حضرت خلافتناهی

« مصری اولادلر مه ، انکاتره نک مصره نه صورتله آباق باصدیغنی وحیله کار بر اصول حلول ایله بواش ، بواش مملکتک ادا مسنی نصل تحت تحکمه آلمش اولدیغی جمله جه معلومدر . حرص و طلبه استناد ایدن بومداخلاه قارشق وقت مرهونه انتظاراً اختیار سکوت ایدیور ایدسه . چکمکده اولدیغنکر عذاب هیچ بر زمان نظر شفقت شاهانه مین دور قالمور و دائماً تأیری موجب اولیور ایدی . عظیم بر کتله اسلامک مسکینی اولان کوزل و فیضدازه مصری تخلص ایچون بودغه اردولرمدن برینک سوقته بخش فرحت ایله بن جناب حقه حمدونال ایدرم . مستنداً توفیقانه تعالی اردوی هایونمک مقصد شاهانه دائره سنده مملکتکزی تأثیرات و تشکیلات اجنبیه دن خلاص ایله بره اداره ممتازه کزی و سربستیکزی اعاده یه موفق اوله جفندن و مصری اولادلرک مقتضای حیلتلی اولان فدا کارلقه بوجاهده مقدسه یه اشتراک ایله جکدن امین . نصر من الله وفتح قریب . »

محمد رشاد